

*Reges Francorum.*

34

*Clodoveus Fran. Rex. ex Phramontium familia*

*Clotarius Fran. Rex ex Phara: familia*



*Childericus ultimus Francoꝝ Rex ex. Pharamon: familia.*

*Ludowicus iiii. Francoꝝ Rex. ex Pipini familia. Caroli Simplicis F.*



*Ludowicus vi. ultimus Francoꝝ Rex. ex Pipini familia.*

*Hugo Capetus. i. Francoꝝ Rex. ex familia Valerij Hugi Comitis filius.*





# I. HIEROGRAPHIA SIMPLEX REGVM GALLIÆ.

34.



Ertè tutissimus eras, & nunc es beatissimus Clodovæ, & quivis tecum: qui manus in cœlum erigit: & spem in Deo figit.

## II. Hierographia simplex.

Mente immota spectare & expectare rerum vicissitudines, si mortali-um quemq; Principes maximè decet. Decet enim sibi ipse imperet; qui aliis rectè imperaturus est. Agunt te injuriæ hominum & temporum, machinæ molaris instar. Quid tum? Tu tibi consta, Ac ut aquarum cursus convertunt non evertunt illam; sic tibi exercitio non exitio, qui & quæ tibi inprimis adversantur.

## III. Hierographia simplex.

Consilio firmatam sibi Galliam, præpotentis Dei & dicit & ostendit Rex, Licet enim de gladio Corona pendeat; nequidquam defenditur Regnum: quod à Deo deseritur.

## IV. Hierographia simplex.

Et Paulus Æmilius, & Crantzius Childericum scribunt fortunæ & Regno cessisse, amissa, qua regna stant, parentium benevolentia, Restitutum quoque in regnum fide familiarium Principis, Guimei. Nam mutatis civium animis (successoris insolentia, moverat desiderium exulis) dimidium Symboli (aureum erat) uti convenerat, Guimeus ad Childericum misit, quo agnito ex Thuringia in Galliam postliminio rediens, recepit regnum. Ita mutatio fortunæ Childerici, renovavit canam fidem Guimei. Ut aurum scilicet flamma; ita fortuna fides exploratur. Symbolum ipse divisum potes cernere. Tenent enim duæ dexteræ, suum quæq; frustum,

## V. Hierographia simplex.

Rana est animal in terra & aqua, in cœno puta victitans, ut sibi non injuria vindicet, terram & lacus. Fortasse & hic Rex, impendentem calamitatem familiæ cernens, respectabat quò se reciperet, aut Insulam aliquam desertam, aut solitudinem, Vfus est Meccenas antè, ut Plinius scribit, cum terrore Romanorum. Hoc enim signo signabat litteras, quibus absente Octavio Cæsare, imperaret pecuniam: coaxans non sibi, at Principi.

## VI. Hierographia simplex.

Deside Domino suo, Hugo arma corripuit: & eo dejecto regnum occupat. Ab hoc originem trahunt, qui hætenus Galliam Imperio regunt. Symbolum, exprobratio ignaviæ Domini est, Sed & injusta usurpatio, Imperii herilis.

Francorum

Francorum Reges.

35

Robertus Valesius Rex Fran-  
ncorum. ii.

Henricus v. Valesius Rex Fra-  
ncorum. iiii.



Philippus i. Valesius Rex Franc:  
. iiii.

Ludouicus vii. Crassus Valesius  
Rex Francorum. v.



Ludouicus viii. Valesius Rex Fran:  
. vi.

Philippus ii. Valesius Rex Francor:  
. vii.



G 3

VII. Hiero-

## VII. Hierographia simplex.

35. **H**ic non majorem à bello, quàm pace gloriam petit. Præclarè Palma pacis: gladius belli insigne, quo nec utitur bonus Rex, nisi pacis causa, ut quies civium, non hostium spolia concupita videantur. Nam si tantum licet, quantum potes; quod scelus potentiori erit illicitum?

## VIII. Hierographia simplex.

Cœlitus anguem tangi vides: & tandem præfractas cervices subdere iteratis ictibus. Ita aliquoties admonitum clementer, eum, qui viribus fretus luxuriat, tandem divina justitia perimit. Sed nos admonet tota Hierographia, ut contra hostem generis nostri, divinam opem sæpè poscamus. Tandem enim Dei auxilio ex insidiis eluctamur.

## IX. Hierographia simplex.

Scorpius hominem vaftrum repræsentat. Inter Principes eum hostem, qui aperto Marte non congréditur. In cauda enim vis nocendi inest. Dentem Plinius appellat, imò dentes. Nam quorundam caudam tribus dentibus horrentem scribit. Licet igitur eo ingenio hostis, pacisci nobiscum velit: & paratus sit tactis sacris jurare in fœdus; fidem non faciat, si sapimus: nisi sublata nocendi facultate: Per librum sacra intelligimus: per caudam, facultatem nocendi: per cultrum, unicam paciscendi legem.

## X. Hierographia simplex.

Elephas ex cassibus sese explicans: & fortunam virtuti cedere, non tam dicens, quàm declarans, bono animo jubet esse viros Principes & privatos. Nam multis hominum persuasum erat: Fortunam superiorem esse, quæ tamen si contrà nitendo nequit; superari quid ferendo.

## XI. Hierographia simplex.

Sceptri apicem manus armata occupans, clarè sonat obediendum Regi. Non enim sine causa armatur.

## XII. Hierographia simplex.

Lilium insigne Regni Galliarum, in rupe inconcussa, vellet regnum hoc esse perpetuum. Sed & concussum est nostra tempestate: & periodus regnorum fatalis dicitur circumacta. De quo autem nemo dubitat. Solius Dei Regnum est æternum. Quidquid ortum est, occidit. Et herclè Capetus Dominos suos rededit in ordinem: quemadmodum Carolini suos, Si per Lilium, humanam Christi generationem intelligit; de manus, Nam lilio Mystræ Virginem Matrem assimilant.

Reges Francorum

36

Ludovicus ix Mitis Valerius Rex Francorum viii

Sanctus Ludovicus Valerius pri: qui Rex Christianissim' appellatus



Philippus iii le Hardi Valerius Rex Francoꝝ x. Christian:

Philippus iiii Pulcher Valerius Rex Francoꝝ xi. Christian:



Ludovicus x Hutinus Valerius Rex Francoꝝ xii. et Navarre Christian:

Philippus v Longus Valerius Rex Francoꝝ xiii. Christian:



XIII. Hic.

*XIII. Hierographia simplex.*

36. **A**B annulo, cuius forma perfectissima est, exiens sceptrum, figura obelisci, quæ & perfecta, coronatum significat Regem mitem; cogitare nihil mortale; sed ad regnum cœleste piis votis aspirare.

*XIV. Hierographia simplex.*

Manus complexæ caduceum, pacem promittunt; & per internatas spicas, rerum copiam & ubertatem.

*XV. Hierographia simplex.*

Luna crescens significat hominem, dum spirat, sperantem, quod non diffidetur, Rex inter homines, Philippus III, cui magnitudo animi, Audaci nomen fecit: fatetur enim, dum vixit, semper sperasse, rerum suarum incrementum.

*XVI. Hierographia simplex.*

Gladius bellum: palma pacem notavit prius. Igitur dum hæc ipse, utrumque, dicit, neutrum ignorari potest.

*XVII. Hierographia simplex.*

Testudo domi & foris tuta est: suum enim tegumen, gladio inpenetrabile, uti animadvertis, vehit. Hoc ferè pacto, quorum regna benè sunt constituta, Reges civibus tutelæ, hostibus formidini sunt. Transferunt enim quò lubet, copias & classem, animum inprimis iusticia armatum, prudentia munitum: sine quibus animi præsiidiis, nulla vis, quantumvis magna, satis valida est.

*XVIII. Hierographia simplex.*

Caduceum, virga Mercurii est: pictura verò virgæ Ægyptiorum; Indicium pacis. Nam ut Feciales indicebant; Caduceatores finibant bellum, Virtuti igitur comes (quod in Symbolo supplendum) pax esse consuevit. Nam vera virtus, quæ vel prudentia est, vel sororum Regina, aut dat, aut accipit, æquis conditionibus pacem.



Francorum Reges.

37

Carolus v Pulcher Valesius Rex.  
Francor. xiiii. Christianis.

Philippus vi Valesius Rex Franc.  
xv. Christian.



Joannes i Valesius Rex Franco  
xvi Christianissi.

Carolus le Sage Valesius Rex Fr.  
xvii. Christiani.



Carolus vi Valesius Rex Franc.  
xviii. Christianis.

Carolus vii Valesius Rex Franc.  
xix. Christianis.



XIX. Hic-

## XIX. Hierographia simplex.

37. **Q**uoties repetam, junctis dextris fœdus publicè, ut privatim amicitiam exprimi? Et in publica concordia ac pace, rerum omnium ubertas est: quam non hîc primùm Cornucopiæ exhibet. Radii Solis supra fusi, Deum ipsum favere concordia declarant, Quod dicit alterum non deficere; de te dicit, Per se scilicet non stare, quin semel initia, semper pax duret,

## XX. Hierographia simplex.

Vitorem ulciscitur ultor, id est, laceffitus sæpè, laceffentem vincit & illatas injustè, fortiter vindicat injurias, Galea enim & lancea, ut cætera arma, ambobus communia sunt,

## XXI. Hierographia simplex.

Coruscans Stella est id, quod apparet: Corona Regem, qui non apparet, signat. Ad Symbolùm accedo. Astra Regibus, sic enim tres Magos salutant, viam monstrarunt. Cæteris Regibus, suum cuiq; thema est, Qui verò astra regit Deus, longè clariùs piis & justis Regibus viam commonstrat, quàm vltus Horoscopus,

## XXII. Hierographia simplex.

Magistratui est potestas gladii: Hic rectè utitur, qui non cæcus iracundia sumit: at sedatè, & facie, qua in hoc manubrio exprimitur, aut mente potius ad Deum, à quo accepit conversa, quemadmodum Luna, curva ista facie in manubrio sculpta est, quidquid lucis habet, à Sòle, quem supra gladium vides, ut superior est Principibus terræ, Princeps Vniversi, accepit,

## XXIII. Hierographia simplex.

Matthiolus Plinium reprehendit, quod malè intellecto Aristotele, scripserit, viperam, Matris viscera arrodere, ex Patribus tamen, qui de Invidia Græcè scribit, invidiam cum vipera comparat: quod ut hæc matrem exest, haud secus illa perimat invidentem, Ignoscamus igitur huic Regi, qui subiectos at rebelles sibi principes, qui jam sunt filii, ut ipse parens Reipub. viperis confert, utcunque enim tenet; & quamvis cum sua pernicie, habet in potestate,

## XXIV. Hierographia simplex.

Salamandra iterum in foco, sed jam Italicè loquens: Me alo, nutrio. Si de virtute intelligimus, regiè: si de muliere leviter & amatoricè, utriusq; profectò ingens flamma est, & illius clarior lux,





Reges Francorum

38.

Ludouicus xi. le Hardi et Belli-  
quicus. Valerius Rex Francor. xi.

Carolus viii. Valerius Rex Francor.  
xi. Christiani.



Ludouicus xii. Valerius Rex Francor. xii.  
Christianissi.



Franciscus Valerius i. Rex Francor. xiii.  
Christianissi.



XXV, Hie.

## XXV. Hierographia simplex.

38. **H**ystrix est, quæ spinas sagittales, ut Avicenna loquitur, id est, missiles, ut corrigit Gesnerus, in hystes, hi sunt canes, mittit. Nam assiduis aculeorum nimbis, hoc animans, ut Solinus, paulò melius loquitur, obruit canes, Propius ad rem, Ex quo, non satis scio, Francus referat, porcum fuisse Trojanorum, & planè nescio, an hic spinosus, belli insigne, quem Echinum Græci, Erinaceum Latini nominant. Vltus avos Trojæ, id est majores Trojanos Rex Galliarum est: quicumque Italiam defendit. Nam ut Romani, ita & Galli, à Trojanis genus derivant, Trojani autem, id est Trojugenæ Romani Italiæ, imò orbis domini fuerunt. Cæterum porcus insigne Romanorum militare fuit, Festo autore,

## XXVI. Hierographia simplex.

Inventum esse Cervum, cum Millo (sic appelleretur collare cervorum, ex quo canum, nec habet aliud nomen) in quo incisum esset Symbolum Cæsaris; credamus Regi Galliarum, aut Regum Galliarum Historiographo. Huius Regis Cervus immortalitati servit, aut cupiditati. Spectat enim coronam, quam si in cælo cupit, ferendus, Neapolitani enim vix annum regnantem tulerunt.

## XXVII. Hierographia simplex.

Crater in cælo oritur XV. K. Martias. Fit ut inter Eccipses. Qui usurpat, Ludovicus XII, in Regnum Galliarum, Carolo VIII, sine herede mortuo successit: & Insubriam capto Duce occupavit, Sic ad defectus Principum respexit. Fortunæ hinc, istic naturæ.

## XXVIII. Hierographia simplex.

Torquis est ordinis Procerum Regni Galliarum, ut apparet expensili bulla Archangeli Michaëlis. Erat inquam, jam enim abolitus est: & erat tremor immensi Oceani: quamdiu illa concordia stetit contra Barbaros.

## XXIX. ¶ sequens XXX. Hierographia.

Utraq; alibi exposita est.



Reges

Reges Francor.

Claudia filia Ludonici XII. regis  
Francor. Francisci regis uxor.

Helionora ab Austria Regina  
Francie Francisci regis uxor



Henricus II. Valensius Rex Francorum XXXIII.  
Christianissimus.



Henricus II. Valensius Rex Francorum XXXIII.  
Christianissimus.



H XXXI. Hic.

## XXXI. Hierographia simplex.

39. Candida candidis. id est, bona bonis. Digna Principe vox non foemina tantum, verum etiam viris. Nam ut naturae decet Principem esse facilem bonis; ita & severum oportet esse praefractis.

## XXXII. Hierographia simplex.

Si qua Phoenix est (fuisse perhibetur, Tacitus visam refert, quae tamen non visa est ea esse, & jam fama non species tantum perit) visa est Gallis Helionora, non tam ad Solem, quam virtutem solam converfis, & matronale decus, Nihil vulgatius, ex cinere, renasci creditum.

## XXXIII. Hierographia duplex.

Tres semilunae, inter se complicatae, cupiditatem Imperio occupandi tres orbis partes, aperiunt. Plenilunium vero, totius orbis. Examina utriusque Symbolum.

## XXXIV. Hierographia duplex.

Delphinus coronatur Principem Galliae exhibet, cui fortuna Regnum despondit: sic enim eum salutant populares, Sustinens globum terrae, ad Imperium terrae capessendum excitat, & quasi arrham dat, clauso intra anulum orbe, cuius pala Adamas est: quae tam in victum Regem fore, quam ille, omnium victorem, ominabatur. Atque haec prioris explanatio est: posterior non indiget repetitione,



*Francor. Reges.*  
*Henricus II Valerius Rex Francor. XXXIII.*  
*Christianissimus.*



*Catharina de Medici Regina Francie.*  
*Christianissima Henrici II uxor.*



*Catharina de Medici Regina.*  
*Francie Henrici II uxor.*

*Franciscus II Valerius Rex Fran-*  
*corum XXXV. Christianissimus.*



## XXXV. Hierographia duplex.

40. **V** Traq; antè posita & exposita, præter H. quadruplex: quod toties est Henricus: quia coronatum, Rex: quoniam sparfa Lilia Gallæ.

## XXXVI. Hierographia duplex.

Imò simplex, eadem. Symbolum enim idem planet: Feret lux ista quietem, serenitatem: hanc tempori, illam rebus interpretor. Hieroglypton antè declaratum, & idem est Corona istic, regis fortunæ: hic absq; corona idem, facultatibus privatorum, eadem Iridis imago promittit.

## XXXVII. Hierographia simplex.

In Hastiludio (longè enim aliud fuit armilustrium ludus, aut agmen Troiæ, apud Virgilium) periisse Henricum II. Annales testantur, testabuntur, inquam, posteris. Nobis enim vivax memoria est. Lancea igitur rupta, lacrymas conjugii movit: consternata enim est casside mariti refracta. Dolorem cuspis: Lethalis enim fuit.

## XXXVIII. Hierographia simplex.

Coronatum aureum nummum, ad Lydium lapidem dextra hæc explorat: & sic, id est, duris in rebus fidem explorandam docet.



*Reges Francorū.*

*Carolus ix. Valesius. Rex Francorum xxvi  
Christianissimus*

*H XXXIX Gm*



*Carolus ix. Valesius, Rex Francorū xxvi  
Christianissimus.*

*H XL G*



*Carolus ix. Valesius Francorum Rex xxvi.  
Christianissimus*

*H XLI G*



H 3

XXXIX. Hic

## XXXIX. Hierographia gemina.

4). **P**rimò. Samsonis forma, Hercules formatur: & utroq; majorem fore, Regem adolescentem, aula prædicat, si, ut Regem incendat gloria, bene: si ut depravet, malè.

2. Cervi odoris fragrantia, eliciunt abditas spileis serpentes, ut Plinius cum multis observavit. Et Reges, quod sciri volunt; nesciri nequit. Emunctæ naris sunt, omnia odorantur: Ne quis malitiosis consiliis obrepat, spe lactebrarum.

## XL. Hierographia duplex.

Vtraq; facilis & expedita. Prior introducit aut reducit veriùs Regem, qui duas columnas, id est, Religionem & Rempub. restituat.

Posterior, quæ declaret, illa puritati, hac æquitati restituta, rerum omnium abundantiam, & regni felicitatem: Non malè. His enim fornix & concameratio rerum divinarum & humanarum suspenditur.

## XLI. Hierographia duplex.

Caduceum, pacis nunciùm: Cornucopiæ, felicitatis indicium esse, quid roties repetam: Hæc tamen prior pars Hierographia est: posterior non impeditior, Nam duæ legum tabulæ apertæ sunt: Districtus gladius, qui hostes arceat; micat: Parma, quæ tueatur cives, prolata. Et hinc pax, quam signant Palmæ, in stædere, cum Burgundis, decussii Butgundica. Operæ pretium facturus non sim; si diadema & insignia Regni Galliæ, facere coner illustriora,





*Reges Francorum*  
*Carolus IX. Valesius, Rex Francorum XXVI.*  
*Christianissimus.*



*Carolus IX. Valesius, Rex Francorum XXVI.*  
*Christianissimus.*



*Carolus IX. Valesius, Rex Francorum XXVI.*  
*Christianissimus.*



XLII. Hic.

**HIEROGRAPHIA**  
*XLIII. Hierographia duplex.*

42 **P**rudentia, sive prudens Rex: illa enim Regina est virtutum; us hic virorum, dum rationes subducit; Læva tenet Apographa ( Inventarium & Repertorium Vlpianus dicit) pacem reperit, imò habet domi, id est dextera; hæc enim manus, insigne pacis gestat. Repetundarum, & peculatus re- is, è medio sublatis; quos hic subjectos pedibus, flagrare justo incendio videmus.

2. Duz columnæ à statuis, forma non re differunt. Nam Pietas & Justitia Rempub. ut tibicines, ruituram aliàs sustinent, Illa quippe Deum veneratur, qui Respub. instituit: hæc homines tuetur, quorum societas, Resp. constituit. Habet illa lampadem; id est, cor ardens Dei tam boni, quàm magni reverentia; hæc enssem, vindicem scelerum.

*XLIII. Hierographia duplex.*

1. Spiram pilei agnoscis, distinctam clavis, & offendicem fibula revinctum. In centro, duo C, quorum alterum clamat Catolum: Alterum verò Christianissimum, Nam corona Regem aperte signat. Ad Symbolum oculos mihi jam attolle. Hoc vinculo & concordia bonorum compressa est, rebellium & facinorosorum hominum seditio, Atq; utinam fuisset.

2. Insigne Regni Galliæ, ac Monile ordinis coronatum, in conspectu sunt: & Regem regno incumbentem ostendunt. Quod ne quis ignoret; Symbolum adjectum est, Consilio scilicet, non impetu Respub. rectè gubernatur.

*XLIV. Hierographia duplex.*

1. Pales libram mutuata à Iustitia, quod nihil justius sit Agricultura, justæ rerum distributionis spem facit,

2. Prudentia verò typham læva tenens, & fluentem plagam retinens, rerum etiam minimarum curam Regi commendat. Nam ut de plaga taceam, quaecunq; capitis ornamentum est; muliebri est: Typham verò, in palustribus stagnantibusq; aquis nasci, si non videremus, Dioscorides nobis demonstrat. Et Matthiolus pappos eius ab egenis expeti ad tomenta, & grabatos farciendos adjicit. Nec imprudenter res abjectæ ventilantur: quod leves interdum injuriæ, ut favilla neglecta, graviter exardescant.



Reges Francorum.

Carolus ix. Valerius Rex Francor.  
xxvi. Christianus:

Elisabetha ab Austria Caroli.  
ix. reg. Fran: uxor. Max. ii. Imp. fr.



H. XLV. Gem.



Henricus iii. Valerius Rex Fran: et Polon:  
xxvi. Christianus:



H. XLVI. G.



Ludouica de Lorena Henrici. iii.  
Regis Francorum. uxor.

Henricus iii. Borbo: Rex Franc.  
et Navar: xxviii. Christianus:



H. XLVII. Imp.



H. XLVIII.

PHIA  
duplex  
Regia est  
Apogon  
Reperunt  
duplex  
differe  
Caton  
legat  
concom  
radix  
non imper  
duplex  
non vider  
regis  
graver

## XXXV. Hierographia duplex.

43.

Prior superiori demonstratione clara est, licet decussata jam sint columnæ, quod indissolubilis vinculi argumentum est. Non omnes eadem religio Respub. continet; sed quædam singulas necessariò. Dissilirent res humanæ, si non superni Numinis contingerentur metu,

2. Posterior re ipsa clarior, quàm hac imagine, non tantùm quod Caroli conjux, mortuo marito, Pragam rediit, & templum Deo, cui se consecravit, in Palatio condidit; sed & quod mortua vivat: & Gallis non minorem sui reverentiam, quàm desiderium suis reliquit,

## XLVI. Hierographia duplex.

1. Symbolo nil aptius ad Hieroglypton, nihil ineptius ad regnum imò ad omne vitæ genus. Amor enim temper amarus est. Cæterum Henricus III. amore ductus est, ut duceret, quam duxit lectissimam Principem Amoris testes sunt dextræ datæ, ut Amoris non odoris tantum vettonicæ sunt, inter pollices injectæ, & subjectæ liliis gratia omnium, quæ homini grata evenire, ab hac fructice, Antonius Musa, Augusti Medicus scribit,

2. Duorum Diadematum alterum Poloniæ, alterum Galliæ est. Tertium cæli, quod nihil in terris majus sperare, vel nimis spectare deberet. Illud loco sublimi & stabili: hoc in continenti, cuius littus verberant variæ procellæ, Balthicum mare Poloniâ attingunt. Gallia Oceanum & mare mediterraneum spectat. Sed aliud vult Mystra, Fluxa esse regna terrarum, & periculis variis, haud secus ac procellis exposita.

## XLVII. Hierographia simplex.

Buxus Palma est Belgica, quod hæc, infæcunda. Dioscorides fructuam, & Galenus Hericunte agnovit. Marem à fœmina distinguit. Fœminas Plinius negat fructum ferre, nisi prope marem conferantur. Quò respicit Regina Rege vidua. Nos respiciamus fidem, quam Marito in tumulo etiam fervet. Mortua enim Mundo, Deo, & secundum Deum, viro vivit.

## XLVIII. Hierographia simplex.

Strutiocameli & Accipitris pugna exposita oculis est: & ea à me non exposita,

